



DEO OPTIMO MAXIMO
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono,

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis vigesima-quinta
Februarii anni M. DCC. XXXIV.

M. ANTONIO-NICOLAO GUENAULT,
Doctore Medico, Praside.

Utrum aliquando Catharsis, præcipuum Hæmoptysis Remedium?

I.



ULMO spiritalis anthlia, spongiosum sanguinis aeris-
que receptaculum, viscus, si non princeps, saltem pa-
tricum, in œconomia animali non uno fungitur of-
ficio. Multiplicem sustinet provinciam in rebus maxi-
mis strenuus naturæ administer. Hic summus sangui-
nis Artifex, & quasi perfector operis, chylum proximè affluentem,
peregrinum adhuc & originis suæ nimis memorem, comminuendo

terendoque, penitus immiscet sanguini, & civitatis jure quasi donatum, domestico liquori consociat. Hinc uterque fœdere junctus plus quam maritali, in cæteras abit partes, diversam illam humorum sobolem procreaturus. Ipse pulmo, dum cæteræ partes communi alluvie irrigantur, suum sibi habet alveum sanguinis, & eo quoque nomine, præcipui juris est. In hoc verò vitam adjuvat maximè, quod homini nato spiritum ducere necesse sit. Pulmo autem respirationis organum. Hujus fabricam introspecte, quid potuit ad recipiendam animam excogitari aptius? intueri substantiam, quid mollius & excipiendo aeri opportunius? Facit autem illa raritas & molliudo pulmonum ut levi momento disrumpantur. Ruptis vasis, emicat sanguis, qui eò quasi in officinam quamdam suam confluerat; indè morbus quem Græci *αιμὴν πύον* vocant. Pro variis symptomatibus varius est; accedit interdum febris, inflammatio, dolor, tussis; hæc verò tam diversa morbi facies à diversa vasorum aut ipsius substantiæ pulmonis disrupsione repetenda. Præcipuum autem *hæmoptysis* remedium, quod ipsius causam quamcumque tollit.

I I.

GENUINAM hujusce morbi deprehendere causam, tanti est, quanti nosse genus hostium quibuscum bellum geras. Varii morbi variis quasi expugnantur machinis. Idem omnibus proponere remedium, circulatorum est, qui uno pugione omnes confodiunt. Oritur *hæmoptysis* sæpè à nimia sanguinis mole, nimioque ipsius impetu, vasa Pulmonum distendentis ultra modum & disrumpentis. Interdum vehementioris tussis improbitas, Pulmonem ita concurtit, ipsiusque vasa ita constringit, ut compressus sanguis è carceribus erumpat. Nonnunquam serosa humorum colluvies, pituitaque salsior, vasa Pulmonis ipsamque substantiam vellicat & corrodit. Quin etiam si quando primæ corporis viæ à materiâ morante nimis distenduntur, earumque partium glandulæ tardis infarciuntur humoribus, tunc præclusum sanguis vix molitur iter, ac non-nisi ægrè ex aortâ inferiori, per ejus ramos, intrâ abdominis partes dimittitur; hinc alvi libero aditu exclusus faciliorem rapit viam, & in cæteras corporis partes, nec-non in Pulmonem invehit sese insolentiùs. Hoc impetu tam procaci vasa ultra modum intumescunt, pulmonis verò canaliculi nullo

aggere muniti, nullo adminiculo fulti, eò faciliùs diffiliunt; quòd ubi evenit, hoc maximè modo compescas *hæmoptysm*, si ea quæ in abdomine segniter desident, aut Pulmones acriter dilacerant, ejicias.

I I I.

AD exemplum Naturæ fingere sese debet Medicus. Hæc illi ~~magistra~~ est; hanc ut reparet afflictam, valentem oportet imitetur: illa autem egregia consultrix & medica Princeps, ut morbos aut arceat aut expellat, malignos humores sedulò segregat à salubribus. Hanc operam ipsa assiduè meditatur, quædam per anum extrudit, alia exstillat per renum canales, multò plura per cutis poros egerit, quæ quidem omnia non-ne purgandi totidem genera sunt? Purgationis nomine nunc tantum utimur, si per primas corporis vias fiat emissio: fecem illam insalubrem, si per os remedia propellant, *Emetica*; si per anum, *Cathartica*, vocantur. Id autem agunt, ut residem in canalibus materiam eliminent & expressas strenuè glandulas, eo, quo turgent, humore exonerent. His duobus magnam interdum vim habet in *hæmoptysi Cathrasis*, dum latentes mali causas amolitur.

I V.

EA demum legitima curatio est, quæ & ratione & experientia nititur. Præcipuus rerum explorator *Hippocrates*, nostram hanc, quasdam *hæmoptyses* sanandi methodum, testimonio suo comprobat: quandoquidem ipse libro *de intern. affect.* præcipit ut adhibeatur *Catharsis* ad eas *hæmoptyses*, quæ à falsa pituità oriuntur, aut ab humoribus qui in abdomine interclusi, ad superiora, ut ait, *resiliunt*. Hippocratem secutus est *Fracasorinus*. Neque minore consensu approbata *Catharsis*, ad sanandas *hæmoptyses*, quæ ex viscosis feculentisque humoribus originem ducunt. Quippe injusto onere liberatum abdomen & quasi detersum, sanguinis rivos admittit abundantius: abit à pulmonibus partibusque cæteris sanguinis iniqua moles, neque jam eruptionem minatur, & id quidem experimentis & consiliis comprobavit *Ballonius*, in Facultate Parisiensi Doctor peritissimus.

L. 15. C. 15.
de curatione
hæmop. à dia-
broisi, vel à
capitis viiio.

Epid. lib. 1.
p. 26.

UT in curandis morbis, non ratione sed fortunâ duci, Medico prorsus indignum est; ita eamdem ubique viam præfactæ sequi periculosum imprimis. In hæmoptysi plerumque præcipitur venæ sectio, quia plerumque ab ipso sanguine vis morbi proximè gignitur. Sed quædam sunt hæmoptysis genera, quæ sanguinis emissionem minimè coerceas, cum ex aliis quibusdam oriantur causis, quas sanguis avehere secum nequaquam possit. *Perperam Medici* (inquit *Ballonius*) *qui ubi primum aliquem hæmoptycum vident, illum frequenti venæ sectione fatigant*: quin etiam considerata venit anni tempestas, sexus, ætas, ipsiusque corporis temperatio, quæ quidem omnia, ex Hippocrate, sæpissimè venæ sectionis impedimentum afferunt in hæmoptysi. Interdum, ubi hæmoptysis à saburrâ humorum infra diaphragma oriebatur, purgantibus drasticis, helleboro scilicet nigro, peplo, &c. utebatur divinus ille senex, non inopiâ meliorum, sed delectu, inquit Duretus, splendidissimum Scholæ Parisiensis Medicinæ lumen.

B... de aff.
pest. n. 74.

Hip. Lib. 6.
Epid. sect. 3.

Comm. in
avast. Hip.

Ergo aliquando Catharsis, præcipuum Hæmoptysis Remedium.

DOMINI DOCTORES DISPUTATURI.

M. Achilles - Franciscus
Fontaine.

M. Ludovicus - Maria
Pouffe.

M. Alexander - Petrus
Mator.

M. Joannes - Baptista-Lu-
dovicus Chomel.

M. Antovius Casamajor.

M. Petrus-Joannes Burette,
Professor Regius, & è Re-
giâ Numismatum Aca-
demiâ.

M. Hyacinthus-Theodorus
Baron.

M. Raymundus de la Ri-
vière.

M. Petrus Marais.

Proponebat Parisiis ADRIANUS MALAVAL,
Parisiinus, Baccalaureus Medicus, A. R. S. H. 1734.
à sextâ ad meridiem.